

GJALDSKRÁ

um gatnagerðargjald í Mosfellsbæ.

1. gr.

Almenn heimild.

Af öllum lóðum í Mosfellsbæ, hvort sem um eignar- eða leigulóðir er að ræða, skal greiða gatnagerðargjald eftir því sem nánar segir til um í gjaldskrá þessari. Um gatnagerðargjald fer að öðru leyti eftir lögum um gatnagerðargjald, nr. 17/1996 og reglugerð um gatnagerðargjald, nr. 543/1996.

2. gr.

Ráðstöfun gatnagerðargjalds.

Gatnagerðargjaldi skal varið til gatnagerðar í Mosfellsbæ. Skal nota það til greiðslu kostnaðar við undirbyggingu götu með tilheyrandi lögnum, m.a. vegna götulýsingar þar á meðal nauðsynlegar sam- og tengigötur, við lagningu bundins slitlags og gangstétta, gerð umferðareyja, gangstíga og opinna svæða.

Innifalið í fullu gatnagerðargjaldi er ein mæling fyrir staðsetningu og hæðarsetningu byggingar og einnig staðsetningu lóðarmarka.

3. gr.

Grunnur gatnagerðargjalds.

- a. Af hverjum fermetra lóðar greiðist ákveðið gjald eftir nýtingu hennar, þ.e. eftir húsa-gerðum, svo sem hér segir:

	kr. pr. ferm. lóðar
Einbýlishús	3.000
Par-, rað-, tví- og þríbýlishús	2.700
Fjölbýlishús	2.000
Af öðru húsnæði, þ.m.t. atvinnuhúsnæði	1.500
[Ef íbúðarhúsnæði er á lóð ákvarðast gjaldflokkur af því, enda þótt annars konar húsnæði sé einnig á lóð.] ¹	

- b. [Þar sem ekki hefur verið tekin ákvörðun um hefðbundnar gatnagerðarframkvæmdir, svo sem í dreifbýli, greiðist grunngjald á hvern m³ nýbyggingar, svo sem hér segir (miðað við byggingarvísitölu í júlí 2001, 259,3 stig):

- i. Íbúðarhúsnæði kr. 645,20 kr./m³ að hámarki kr. 516.163 fyrir hverja byggingu.
- ii. Annað húsnæði kr. 201,16 kr./m³ að hámarki kr. 1.649.483 fyrir hverja byggingu.]¹

Þegar ráðist er í gatnagerðarframkvæmdir innheimtist viðbótargatnagerðargjald samkvæmt almennri gjaldskrá sem þá er í gildi, að frádregnu þegar greiddu grunngjaldi verðbættu samkvæmt byggingarvísitölu. [Grunngjald, sem greitt hefur verið vegna byggingar, fylgir þeirri lóð sem bygging stendur á við uppgjör.]¹

Til þess að tryggja síðari innheimtu gjaldsins og koma í veg fyrir grandleysi þeirra er síðar kunna að eignast viðkomandi fasteign skal byggingarleyfisumsækjandi láta þinglýsa sérstakri yfirlýsingu á viðkomandi fasteign/lóð er lýtur að greiðslu hins óinnheimta viðbótargjalds.

- c. Fjárhæð gatnagerðargjalds breytist 1. janúar og 1. júlí ár hvert í samræmi við breytingu á byggingarkostnaði vísitöluhússins (231,1 stig í ágúst 1998).
- d. Gatnagerðargjald skal ekki innheimt af sumarbústaðalóðum.

¹ Samþykkt bæjarráðs á 521. fundi, 5. júlí 2001.

4. gr.

Lágmarksgjald.

Lágmarksgjald samkvæmt gjaldskrá þessari er eftirfarandi, sbr. þó 5. gr.:

Einbýlishús	kr. 2.300.000
Par-, rað-, tví- eða þrífýlishús pr. íbúð	kr. 1.400.000
Fjölbýlishús pr. íbúð	kr. 400.000

5. gr.

Frávik frá almennri gjaldskrá.

- a. Bæjarstjórn getur hækkað eða lækkað gjöld samkvæmt gjaldskrá þessari vegna tiltekinnar svæða eða lóða um allt að 35%.
- b. Bæjarstjórn er heimilt að veita sérstakan afslátt þar sem lóðarhafar eða eigendur sjá sjálfir um ákveðna þætti framkvæmda skv. 2. gr.

6. gr.

Greiðsluskilmálar.

Gatnagerðargjald skal greiða innan eins mánaðar frá dagsetningu tilkynningar til umsækjenda um lóðarúthlutun og með þeim skilmálum, sem bæjarstjórn ákveður. Ef ekki er greitt innan tilskilins frests fellur úthlutunin sjálfkrafa úr gildi án sérstakrar tilkynningar þar um.

Gatnagerðargjald af eignarlóð skal greiða áður en byggingarleyfi er gefið út.

7. gr.

Endurgreiðsluskilmálar.

Ef lóðarhafi skilar úthlutaðri lóð, eða ef lóðarúthlutunin er afturkölluð, skal gatnagerðargjald endurgreitt og verðbætt miðað við vísitölu byggingarkostnaðar á endurgreiðsludegi. Heimilt er að fresta endurgreiðslu uns lóðinni hefur verið úthlutað að nýju, þó ekki lengur en í sex mánuði frá því að lóðinni var skilað. Sama gildir ef lóð er tekin af lóðarhafa vegna vanefnda hans á byggingar- og skipulagsmálum, svo og úthlutunarskilmálum. Við framkvæmd ákvæða þessarar greinar skal stuðst við 9. gr. reglugerðar, nr. 543/1996.

8. gr.

Lögveðsréttur.

Gatnagerðargjald fylgir lögveði í fasteign þeirri sem það er lagt á og gengur það ásamt vöxtum og kostnaði fyrir öllum veðkröfum, sem á eigninni hvíla, og tekur það einnig til váttryggingafjár hennar.

9. gr.

Breyting húsnæðis.

- a. Gatnagerðargjald greiðist ekki við stækkun eða aðra breytingu húsnæðis, sbr. þó b-lið.
- b. Viðbótargatnagerðargjald greiðist ekki þegar byggð er ný húseign á lóð í stað annarrar, sem hefur verið rífin, fjarlægð eða er brunnin, nema um breytta notkun sé að ræða þannig að húseign færist í hærri gjaldflokk, sbr. 3. og 4. gr. Þá greiðist gatnagerðargjald samkvæmt almennri gjaldskrá að frádregnu því gjaldi sem þegar hefur verið greitt verðbættu samkvæmt byggingarvísitölu.
- c. Gatnagerðargjald endurgreiðist ekki þótt minni húseign sé byggð á lóð eða nýtingu breytt þannig að hún færist í lægri gjaldflokk, sbr. 3. og 4. gr.

11. gr.

Áfangaskipting framkvæmda.

Þegar lóðarhafa er heimilað að áfangaskipta byggingu, skal hann greiða gatnagerðargjald samkvæmt gjaldskrá sem í gildi er þegar byggingaleyfi hvers áfanga er útgefið.

Umsækjandi skal taka það sérstaklega fram í lóðarumsókn að hann óski eftir að reisa fyrirhugað mannvirki í áföngum.

Verði áfangaskipti heimiluð af bæjarráði, falla gjöld í gjalddaga í samræmi við samþykkt áfangaskiptingu eða samþykktir bæjarstjórnar.

Þegar áfangaskipting er heimiluð skal umsækjandi þinglýsa yfirlýsingu þess efnis á fasteign/lóð vegna hinna ógreidda og áfangaskiptu gatnagerðargjalda.

12. gr.

Eldri sérsamningar og skilmálar um gatnagerðargjöld.

Sérsamningar um gatnagerðargjöld af tilteknum lóðum sem lóðarhafar eða lóðareigendur hafa gert við Mosfellsbæ fyrir gildistöku gjaldskrár þessarar, svo og skilmálar varðandi gatnagerðargjöld sem bæjaryfirvöld hafa sett fyrir sömu tímamörk og lóðarhafi eða lóðareigandi hefur undirgengist, halda gildi sínu sbr. 2. tl. í ákvæði til bráðabirgða í lögum nr. 17/1996, nema aðilar séu um annað sáttir.

13. gr.

Gjaldskrá þessi er samin og samþykkt af bæjarstjórn Mosfellsbæjar skv. lögum um gatnagerðargjöld, nr. 17/1996, og 11. gr. reglugerðar um gatnagerðargjöld, nr. 543/1996.

Gjaldskráin öðlast þegar gildi. Jafnframt fellur úr gildi gjaldskrá um gatnagerðargjöld í Mosfellsbæ, frá 16. september 1998 með breytingu frá 5. júlí 2001.

Mosfellsbæ, 16. febrúar 2005.

Stefán Ómar Jónsson bæjarritari.

AUGLÝSING**um deiliskipulag Hverfisgata – Hávegur, Siglufirði.**

Samkvæmt skipulags- og byggingarlögum samþykkti bæjarstjórn Siglufjarðar þann 23. september 2004 deiliskipulag fyrir Hverfisgötu – Háveg.

Deiliskipulagið tekur til vegtenginga þar sem gert er ráð fyrir að Hverfisgata (nyrðri) og Hávegur verði tengd með nýrri vegtengingu. Einnig er gerð breyting á tengingu Lindargötu, Suðurgötu og Hverfisgötu (syðri).

Greinargerð og uppdráttur hafa hlotið þá meðferð sem skipulags- og byggingarlög mæla fyrir um. Deiliskipulagið öðlast þegar gildi.

Siglufirði, 25. febrúar 2005.

F.h. bæjarstjórnar Siglufjarðar,

Sigurður Hlöðversson, skipulags- og byggingarfulltrúi.